



Tužilaštvo - Tužiteljstvo Bosne i Hercegovine

Тужилаштво Босне и Херцеговине

Broj: T20 0 KTK 0017170 19

Sarajevo, 30.12.2019. godine

SUD BOSNE I HERCEGOVINE
Sudiji za prethodno saslušanje

Na osnovu člana 35. stav 2. tačka i) i člana 226. stav 1. i 227. ZKP-a BiH, p o d i ž e m,

O P T U Ž N I C U

Protiv:

1. **MEKTIĆ DRAGANA**, sin Milana i majke Marte, rođene Blagojević, rođen 23.12.1956. godine u mjestu Dragalovci, opština Doboј, posjeduје JMBG: _____, državljаnin Bosne i Hercegovine, oženjen, otac dvoje punoljetne djece, po nacionalnosti Srbin, po zanimanju dipl. kriminalista, poslanik u Parlamentarnoj skupštini Bosne i Hercegovine, sa priјavljenim prebivalištem na adresi Vladike Platona broj _____, Prnjavor, neosuđivan,
2. **GOLIЈANIN IGORA**, sin Nikole i majke Milunke, rođene Velјović, rođen 25.07.1979. godine u Sarajevu, posjeduје JMBG: _____, državljаnin Bosne i Hercegovine, oženjen, otac dvoje mlđb. djece, po nacionalnosti Srbin, po zanimanju dipl. Inžinjer mašinstva, sa priјavljenim prebivalištem na adresi Derokova broj _____, Donje Mladice, Istočna Ilidža, neosuđivan,
3. **AGIĆ SAMIRA**, sin Hamdije i majke Esme, rođene Varmaz, rođen 17.08.1968. godine u Travniku, posjeduје JMBG: _____ državljаnin Bosne i Hercegovine, oženjen, otac dvoje djece, po nacionalnosti Bošnjak, po zanimanju doktor pravnih nauka, zaposlen u Ministarstvu bezbjednosti BiH na poslovima Pomoćnik ministra u Sektoru za zaštitu i spašavanje, sa priјavljenim prebivalištem na adresi Alipašina broj _____ Sarajevo, neosuđivan,
4. **GARAPLIЈA EDINA**, sin Ibre i majke Aiše, rođene Deljković, rođen 14.11.1968. godine u mjestu Pljevlja, Republika Crna Gora, posjeduје JMBG: _____ oženje, otac četvero djece od toga dvoje mlđb., državljаnin Bosne i Hercegovine, po nacionalnosti Bošnjak, po zanimanju magistar inženjerijskog menadžmenta, zaposlen u pravnom licu Institut za upravljanje

rizicima d.o.o., Beograd, Republika Srbija, sa prijavljenim prebivalištem na adresi Muhameda Efendije Pandže bro Sarajevo, neosuđivan,

Zbog postojanja osnovane sumnje da su:

U okviru realizacije „Projekta prekogranične saradnje u oblasti vatrogastva između Bosne i Hercegovine i Republike Crne Gore“ u vrijednosti od 198.454,51 Euro, koji je realizovan u periodu od 2015. godine do 2017. godine i finansiran od strane Delegacije Evropske unije za BiH, kao odgovorna lica u Ministarstvu bezbjednosti Bosne i Hercegovine i odgovorno lice u pravnom licu, Institutu za zaštitu od požara i eksplozija – INZA d.o.o. Sarajevo, iskoristili svoj službeni položaj i ovlaštenja i time pribavili korist sebi i drugome, nanijeli štetu i teže povrijedili prava drugoga, svako od njih u okviru svojih ovlaštenja, na način da su:

MEKIĆ DRAGAN, u svojstvu Ministra u Ministarstvu bezbjednosti Bosne i Hercegovine u Savjetu ministara Bosne i Hercegovine,

GOLIJANIN IGOR, u svojstvu šefa kabineta Ministra u Ministarstvu bezbjednosti Bosne i Hercegovine,

AGIĆ SAMIR, u svojstvu Pomoćnika ministra u Sektoru za zaštitu i spašavanje u Ministarstvu bezbjednosti Bosne i Hercegovine i člana Projektnog tima/odborna na Projektu prekogranične saradnje u oblasti vatrogastva između Bosne i Hercegovine i Republike Crne Gore,

GARAPLIJA EDIN, u svojstvu odgovornog lica i vlasnika Instituta za zaštitu od požara i eksplozija- INZA d.o.o., Sarajevo, koje pravno lice je bilo partner/ koaplikant Ministarstva bezbjednosti BiH, na Projektu prekogranične saradnje u oblasti vatrogastva između Bosne i Hercegovine i Republike Crne Gore i člana Projektnog tima/odborna na Projektu prekogranične saradnje u oblasti vatrogastva između Bosne i Hercegovine i Republike Crne Gore,

1. **Mekić Dragan** u svojstvu službenog i odgovornog lica kojem je povjereno rukovođenje Ministarstvom bezbjednosti Bosne i Hercegovine na osnovu člana 20. Zakona o ministarstvima i drugim organima uprave Bosne i Hercegovine, iskoristio svoj službeni položaj i ovlaštenja, u namjeri sticanja protivpravne imovinske koristi, tako što je postupio protivno Zakonu o sukobu interesa u institucijama vlasti Bosne i Hercegovine i to odredbi člana 2. stav 8. koji propisuje da su u obavljanju funkcija nosioci izvršnih funkcija obavezni da imovinu, sredstva za rad i finansijska sredstva koja su im povjerena koristi isključivo u svrhu za koju su namijenjena i protivno Zakonu o javnim nabavkama BiH i to članu 72. stav 4. koji propisuje da ako izabrani ponuđač ne dostavi garanciju za izvršenje ugovora u ostavljenom roku, nakon zaključivanja ugovora, zaključeni ugovor smatra se apsolutno ništavnim i protivno Zakonu o javnim nabavkama BiH u cjelini, koji ne poznaje mogućnost naknadnog zaključivanja „aneksa ugovora“, niti propisuje mogućnost izmjena u vezi sa robom i rokovima u odnosu na utvrđeno u tenderskoj dokumentaciji i zaključenim osnovnim ugovorom, tako što je suprotno

stvarnim potrebama krajnjih korisnika opreme, vatrogasaca čije potrebe su za nabavkom vatrogasnih uniformi i vatrogasnih cipela Ministarstvu prije pokretanja javne nabavke, dostavile Federalna uprava civilne zaštite svojim aktom, broj: 05-44/25-22-1/15 od 22.05.2015. godine u kom je iskazala potrebu za ukupno 85 košulja (sljedećih konfekcijskih brojeva: 40-11 kom, 41- 3 kom, 42-21 kom, 43-5 kom, 44-17 kom, 45-19 kom, 46-8 kom, 48- 1 kom), ukupno 85 jakni (sljedećih konfekcijskih brojeva: 44-2 kom, 48-3 kom, 50-11 kom, 52-18 kom, 54-20 kom, 56-19 kom, 58-8 kom, 60-3 kom, 64-1 kom), ukupno 85 hlača (sljedećih konfekcijskih brojeva: 44-2 kom, 48-3 kom, 50-11 kom, 52-18 kom, 54-20 kom, 56-19 kom, 58-8 kom, 60-3 kom, 64-1 kom), ukupno 85 pari čizama (sljedećih veličina: 41-1 kom, 42-10 kom, 43-23 kom, 44-17 kom, 45-16 kom, 46-12 kom, 47-5 kom, 48-1 kom) i Republička uprava civilne zaštite svojim aktom, broj: 10/1.02/152-14-15/15 od 22.05.2015. godine iskazala potrebu za ukupno 85 uniformi (sljedećih veličina: L-1 kom, XL-14 kom, XXL-39 kom, XXXL-29 kom, veće od XXXL-2 kom) i 85 pari čizama (sljedećih brojeva: broj 41-1 kom, broj 42-13 kom, broj 43-21 kom, broj 44-20 kom, broj 45-19 kom, broj 46-6 kom, broj 47-2 kom, broj 48-1 kom, broj 49-2 kom), dana 05.05.2017. godine donio Odluku o pokretanju postupka javne nabavke, broj: 04-16-4-3696/17, kojom Odlukom je u ime ugovornog organa, Ministarstva pokrenuo postupak javne nabavke - vatrogasne opreme, odnosno uniformi za borbu protiv šumskih požara i to: 180 komada košulja dugi rukav (sljedećih veličina: 40-11 kom, 41-3 kom, 42-21 kom, 43-5 kom, 44-20 kom, 45-21 kom, 46-8 kom, 48-1 kom, 50-1 kom, 52-14 kom, 54-42 kom, 56-31 kom, 58-1 kom, 60-1 kom), 180 komada uniformi koje čine bluza i pantalone (sljedećih veličina: 44-2 kom, 48-3 kom, 50-14 kom, 52-35 kom, 54-62 kom, 56-50 kom, 58-9 kom, 60-4 kom, 64-1 kom), 180 komada zaštitnih rukavica za borbu protiv šumskih požara (sljedećih veličina 8-45 pari, 9-45 pari, 10-45 pari, 11-45 pari), 180 komada zaštitnih kaciga za borbu protiv šumskih požara sa zaštitnim naočalama, ukupno 270 komada metlarica za borbu protiv šumskih požara, ukupno 180 komada vatrogasnih kaiša, ukupno 180 komada vatrogasnih pumpi u ruksacima, ukupno 10 komada megafona, a sve u ukupnoj vrijednosti od 140.800,00 KM bez PDV-a, iako je znao da predmetna javna nabavka nije planirana u Planu javnih nabavki Ministarstva za 2017. godinu, a koji postupak je potom okončan donošenjem Odluke o izboru najpovoljnijeg ponuđača, broj: 04-16-4-3696-5/17 od 01.06.2017. godine i zaključivanjem Ugovora o nabavci i isporuci opreme za vatrogasce za potrebe Ministarstva, broj: 04-16-4-3696-14/17 od 16.06.2017.godine sa dobavljačem-preduzećem Teh-Projekt Inženjering d.o.o. Rijeka, Republika Hrvatska, u vrijednosti od 124.940,00 KM bez PDV-a, a zatim nakon što je izabrani dobavljač Teh-Projekt Inženjering iz Rijeke dana 28.06.2017. godine pismeno obavjestio ugovorni organ Ministarstvo, da nije u mogućnosti izvršiti preuzete obaveze iz zaključenog ugovora od 16.06.2017. godine, na način kako je ugovoreno i u ugovorenom roku, propuštajući pri tom da kao dobavljač robe Ministarstvu kao naručiocu robe, dostavi najkasnije do 26.06.2017. godine kao sredstvo obezbjeđenja za uredno izvršenje ugovora Garanciju u obliku безусловne bankarske garancije u iznosu od 10% od vrijednosti osnovnog ugovora, broj: 04-16-4-3696-5/17 od 16.06.2017.godine, pa je tako u ime Ministarstva dana 12.07.2017. godine na osnovni ugovor koji je već bio ništavan zbog nedostavljanja navedene Garancije od strane dobavljača i neizvršavanja

preuzetih obaveza od strane dobavljača na način i u roku kako je ugovoreno, zaključio Aneks ugovora sa dobavljačem Teh-projekt inženjering d.o.o. Rijeka, broj: 04-16-4-3696-21/17 kojim je ugovoren novi rok za isporuku robe/opreme za vatrogasce najkasnije do 31.08.2017. godine i ugovoren novi rok za dostavljanje Garancije Ministarstvu koji je određen kao rok od 10 dana od dana potpisivanja navedenog Aneksa, a zatim istog dana aktom, broj: 04-164-3696-22/17 od 12.07.2017. godine uputio saglasnost dobavljaču Teh-projekt Inženjering d.o.o. Rijeka u kom je navedeno da je Ministarstvo saglasno sa izmjenom u specifikaciji za veličinu rukavica i to: veličina 8-10 pari, veličina 9-68 pari, veličina 10-48 pari i veličina 11-54 para, na koji način je pogodovao dobavljaču Teh-Projekt Inženjering d.o.o. Rijeka, jer je navedenom dobavljaču omogućio da izvrši isporuku po osnovu apsolutno ništavnog ugovora, zaključio aneks ugovora, izmjenivši predmet i rok ugovora i rok za dostavljanje bankarske garancije, mjesec dana kasnije od roka ugovorenog osnovnim ugovorom, odnosno dana 25.08.2017. godine u skladu sa svojim poslovnim interesom i mogućnostima, a ne potrebama Ministarstva i krajnjih korisnika vatrogasaca, čime je omogućio da se dana 13.09. odnosno 15.09.2017. godine nezakonito izvrši isplata dobavljaču, tako isporučene robe u iznosu od 124.940,00 KM bez PDV-a (63.880,81 Eura), na koji način je pribavio protivpravnu imovinsku korist dobavljaču Teh - Projekt Inženjering d.o.o. Rijeka za navedeni iznos, dok je isporukom tako nabavljene vatrogasne opreme pričinio i štetu budžetu BiH jer su nabavljene i isporučene industrijske zaštitne kacige (180 komada po cijeni od 73,00 KM/ komad), a ne vatrogasne kacige, opasači (180 komada po cijeni od 33,00 KM/ komad), a ne vatrogasni opasači, metlarice (270 komada po cijeni od 50,00 KM/ komad) i megafoni (10 komada po cijeni od 200,00 KM/ komad), a da za nabavkom metlarica i opasača nije postojala stvarna potreba krajnjih korisnika-vatrogasaca, ali jeste za obučom-vatrogasnim čizmama koje u konačnici nisu nabavljene iako su bile tražene, dok su nabavljene i isporučene uniforme (180 komada po cijeni od 292,00 KM/ komad) i rukavice (180 komada po cijeni od 55,00 KM/ komad) uz odstupanja u pogledu konfekcijskih brojeva za iste, a koji konfekcijski brojevi su bili utvrđeni tenderskom dokumentacijom i osnovnim ugovorom od 16.06.2017. godine, na osnovu stvarno iskazanih potreba krajnjih korisnika vatrogasaca i na ovaj način kroz pogodovanje dobavljaču su teže povrijedili i prava drugih istovrsnih dobavljača kojima su na ovaj način onemogućili jednak pristup tražiocu usluga, Ministarstvu,

2. **Agić Samir i Garaplija Edin** u svojstvu članova Projektnog tima/odbora na Projektu, u namjeri pribavljanja protivpravne imovinske koristi izvlačenjem novca iz Projekta, iskoristili svoj službeni položaj i ovlaštenja koje su imali kao članovi navedenog Projektnog tima/odbora, Agić Samir kao službeno lice zaposleno u Ministarstvu i angažovano na Projektu, kroz planirane aktivnosti na navedenom Projektu, koje su uključivale angažovanje spoljnih saradnika na pozicijama projekt menadžera i pomoćnika projekt menadžera i u svojstvu rukovodećeg državnog službenika, pomoćnika ministra kojem je povjereno rukovođenje unutar osnovne organizacione jedinice Ministarstva, odnosno sektora i odgovoran za korištenje finansijskih, materijalnih i ljudskih potencijala dodijeljenih osnovnoj organizacionoj jedinici na osnovu člana 9. Zakona o državnoj službi u institucijama Bosne i

Hercegovine, iskoristio svoj službeni položaj i ovlaštenja tako što je iskoristio ovlaštenja propisana „Instrukcijom u vezi sa zaključivanjem i provedbom ugovora o djelu u Ministarstvu bezbjednosti Bosne i Hercegovine“, i to članom 2. stav 3. koji propisuje „Inicijativu za sklapanje ugovora o djelu od strane poslodavca, može dati rukovodilac institucije, sekretar institucije i rukovodeći državni službenik, te se uz istu daje obrazloženje o cilju sklapanja, predmetu, vremenu za izvršenje predmeta, kao i visina naknade za izvršeni posao koji je predmet ugovora“ i članom 6. stav 3. koji propisuje „Lica navedena u stavu 3. član 2. ove instrukcije koje su dale inicijativu za zaključenje ugovora o djelu su dužne obavijestiti rukovodioca institucije, odnosno poslodavca, ako se ugovor ne izvršava potpuno ili djelimično, radi pokretanja odgovarajućih zakonskih postupaka sa ciljem sprečavanja nastanka štete za poslodavca, odnosno instituciju“, na način da je Agić Samir omogućio Garaplija Edinu, da se za poziciju projekt menadžera angažuju zaposlenici INZA d.o.o. Sarajevo, vlasništvo Garaplija Edina, tako što je Agić Samir pismenim putem, odnosno Zahtjevom, broj: 09-04-1-7838-12/14 od 23.01.2015. godine za potrebe Projekta predložio Kabinetu ministra angažovanje po osnovu Ugovora o djelu za period od 01.01.2015. do 30.06.2015. godine lica: Salihović Amera zaposlenika pravnog lica INZA Lab d.o.o. Sarajevo (zaposlen u periodu od 01.04.2011. do 30.04.2015. godine) za poslove projekt menadžera uz novčanu naknadu mjesečno u neto iznosu od 2.060,00 KM koju će isplaćivati Ministarstvo i Tatarin Admira zaposlenika pravnih lica Agencije za zaštitu ljudi i imovine INZA d.o.o. Sarajevo vlasništvo Garaplija Edina (zaposlen u periodu od 02.10.2015. do 06.09.2016.) i zaposlenika INZA Lab d.o.o., Sarajevo vlasništvo Garaplija Edina (zaposlen u periodu 02.10.2015. do 06.09.2016.) za poslove pomoćnika projekt menadžera uz novčanu naknadu mjesečno u neto iznosu od 1.895,00 KM koju će isplaćivati Ministarstvo, nakon čega je Ministarstvo sa Salihović Amerom zaključilo Ugovor o djelu, broj: 04-34-2-1487/15 od 27.02.2015. godine kojim je ugovoreno: mjesečna naknada u neto iznosu od 2.060,00 KM, vrijeme izvršena posla od 01.01.2015. do 30.06.2015. godine i mjesto izvršenja posla u prostorijama Ministarstva (ugovor zaključen retroaktivno za period od 01.01.2015. godine do 30.06.2015. godine), sa Tatarin Admirom zaključilo Ugovor o djelu, broj: 04-34-2-1486/15 od 24.02.2015. godine kojim je ugovoreno: mjesečna naknada u neto iznosu od 1.895,00 KM, vrijeme izvršenja posla od 01.01.2015. do 30.06.2015. godine i mjesto izvršenja posla u prostorijama Ministarstva, u svojstvu pomoćnika ministra i rukovodioca Sektora za zaštitu i spašavanje pismenim putem, odnosno Zahtjevom, broj: 09-04-1-7838-54/15 od 22.06.2015. godine predložio Kabinetu ministra angažovanje po osnovu Ugovora o djelu lica Topalović Elvira zaposlenika pravnog lica INZA Lab d.o.o. Sarajevo, vlasništvo Garaplija Edina (zaposlen u periodu od 01.04.2014. do 31.01.2016.) i pravnog lica Agencije za zaštitu ljudi i imovine INZA d.o.o. Sarajevo (zaposlen u periodu 01.02.2016. od 13.09.2016.) za poslove projekt menadžera umjesto lica Salihović Amera, na koji zahtjev je u rukopisu dao saglasnost **Mektić Dragan**, nakon čega je Ministarstvo sa Topalovićem Elvirom zaključilo Ugovor o djelu, broj: 04-34-2-4736/15 od 21.07.2015. godine kojim je ugovoreno: mjesečna naknada u neto iznosu od 2.060,00 KM, vrijeme izvršenja posla od 01.07.2015. do 31.08.2015. godine i mjesto izvršenja posla u prostorijama Ministarstva (ugovor zaključen retroaktivno

za period od 01.07.2015. godine do 31.08.2015. godine), **Agić Samir** u svojstvu pomoćnika ministra i rukovodioca Sektora za zaštitu i spašavanje pismenim putem, odnosno Zahtjevom, broj: 09-04-1-7838-123/14 od 15.04.2016. godine predložio Kabinetu ministra angažovanje po osnovu Ugovora o djelu lica Topalović Elvira za potrebe rada na Projektu, nakon čega je Ministarstvo sa Topalović Elvirom zaključilo Ugovor o djelu, broj: 04-34-2-3946/16 od 16.05.2016. godine kojim je ugovoreno: mjesečna naknada u bruto iznosu od 1222.39,00 KM, vrijeme izvršenja posla od 01.01.2016. do 31.12.2016. godine i mjesto izvršenja posla u prostorijama Ministarstva (ugovor zaključen retroaktivno za period od 01.01.2016. godine do 31.12.2016. godine), a koji ugovor je raskinut na zahtjev Topalović Elvira rješenjem Ministra, broj: 04-34-2-3946/16 od 03.10.2016. godine, da bi slijedom toga: Salihović Amer, Topalović Elvir i Tatarin Admir koji su u navedene periode retroaktivno zaključili ugovore sa Ministarstvom, nisu ugovoreni rad obavljali u prostorijama Ministarstva, već u prostorijama INZA-e uz svoj redovni rad za koji su bili plaćeni od strane svog poslodavca INZA d.o.o., u periodu od 2015. godine do oktobra 2016. godine, a nakon što su od Ministarstva primili kao mjesečne naknade, novčane iznose ugovorene ugovorima o djelu na svoje bankovne transakcijske račune, i to: Salihović Amer ukupno 4.970,64 Eura, Topalović Elvir ukupno 8.110,32 Eura i Tatarin Admir ukupno 6.858,78 Eura, Garaplija Edin im je izdao usmenu instrukciju da od navedenog novca zadrže 10% na ime „stimulansa za dodatni rad na projektu“, a ostatak predaju u službene prostorije INZA d.o.o. Sarajevo, nakon čega su Salihović Amer, Topalović Elvir i Tatarin Admir podizali navedeni novac u gotovini, ostavljajući za sebe 10% navedenog novca, dok su ostatak novca odnosili u službene prostorije pravnog lica INZA d.o.o. Sarajevo, gdje su novac za račun Garaplija Edina predavali zaposlenici Deljković Danidi i to najmanje 17.945,00 Eura (oko 35.351,00 KM), koji novac je Garaplija Edin podijelio sa Agić Samirom, na koji način su za sebe pribavili protivpravnu imovinsku korist u iznosu od najmanje 17.945,0 Eura i na ovaj način teže povrijedili prava drugih fizičkih lica sa istim kvalifikacijama, sposobnostima i radnom iskustvu na projektima, uskrativši im mogućnost da budu angažovana po osnovu ugovora o djelu od strane Ministarstva,

3. **Agić Samir** u svojstvu člana Projektnog tima na Projektu, iskoristio svoj službeni položaj i ovlaštenja koje je imao kao član navedenog Projektnog tima/odbora, u namjeri pribavljanja protivpravne imovinske koristi izvlačenjem novca iz Projekta i teže povrede prava drugih, kao službeno lice zaposleno u Ministarstvu i angažovano na Projektu, kroz planirane aktivnosti na navedenom Projektu, koje su uključivale angažovanje spoljnih saradnika na pozicijama projekt menadžera i pomoćnika projekt menadžera, **Agić Samir** u svojstvu rukovodećeg državnog službenika, pomoćnika ministra kojem je povjereno rukovođenje unutar osnovne organizacione jedinice Ministarstva, odnosno sektora i odgovoran za korištenje finansijskih, materijalnih i ljudskih potencijala dodijeljenih osnovnoj organizacionoj jedinici na osnovu člana 9. Zakona o državnoj službi u institucijama Bosne i Hercegovine, iskoristio svoj službeni položaj i ovlaštenja tako što je iskoristio ovlaštenja propisana „Instrukcijom u vezi sa zaključivanjem i provedbom ugovora o djelu u Ministarstvu bezbjednosti Bosne i Hercegovine“, i to članom 2. stav 3. koji propisuje „Inicijativu za sklapanje ugovora o djelu od strane poslodavca,

može dati rukovodilac institucije, sekretar institucije i rukovodeći državni službenik, te se uz istu daje obrazloženje o cilju sklapanja, predmetu, vremenu za izvršenje predmeta, kao i visina naknade za izvršeni posao koji je predmet ugovora“ i članom 6. stav 3. koji propisuje „Lica navedena u stavu 3. član 2. ove instrukcije koje su dale inicijativu za zaključenje ugovora o djelu su dužne obavijestiti rukovodioca institucije, odnosno poslodavca, ako se ugovor ne izvršava potpuno ili djelimično, radi pokretanja odgovarajućih zakonskih postupaka sa ciljem sprečavanja nastanka štete za poslodavca, odnosno instituciju“, na način da je u svojstvu pomoćnika ministra i rukovodioca Sektora za zaštitu i spašavanje pismenim putem, odnosno Zahtjevom, broj: 09-04-1-7838-123/14 od 15.04.2016. godine za potrebe Projekta predložio Kabinetu ministra angažovanje projekt menadžera i pomoćnika projekt menadžera po osnovu Ugovora o djelu za period od 01.01.2016. do 31.12.2016. godine, dakle retroaktivno, a zatim je **Mektić Dragan** sa Fočić Teisom u ime naručioca posla Ministarstva, retroaktivno zaključio Ugovor o djelu, broj: 04-34-2-3945/16 od 16.05.2016. godine (za vremenski period od 01.01.2016. do 31.12.2016. godine), nakon čega je po prethodnom dogovoru sa Garaplija Edinom, Agić Samir zahtijevao od Fočić Teise da nakon prve isplate novca koji joj je isplaćen iz sredstava Projekta po osnovu tako retroaktivno zaključenog ugovora, sa svog bankovnog transakcijskog računa podigne i njemu preda 4.000 KM, što je Fočić Teisa i učinila, na način da je podigla novac u navedenom iznosu u poslovnicu NLB Banke u Sarajevu i istog dana ga predala Agić Samiru u njegovoj kancelariji u Ministarstvu, na koji način su **Agić Samir i Garaplija Edin** pribavili za sebe protivpravnu imovinsku korist u iznosu od 4.000 KM i na ovaj način teže povrijedili prava drugih fizičkih lica sa istim kvalifikacijama, sposobnostima i radnom iskustvu na projektima, uskrativši im mogućnost da budu angažovana po osnovu ugovora o djelu od strane Ministarstva,

4. **Agić Samir** u svojstvu rukovodećeg državnog službenika, pomoćnika ministra kojem je povjereno rukovođenje unutar osnovne organizacione jedinice Ministarstva, odnosno sektora i odgovoran za korištenje finansijskih, materijalnih i ljudskih potencijala dodijeljenih osnovnoj organizacionoj jedinici na osnovu člana 9. Zakona o državnoj službi u institucijama Bosne i Hercegovine, iskoristio svoj službeni položaj i ovlaštenje, tako što je postupio protivno odredbama člana 2. stav 2. Zakona o ravnopravnosti polova u Bosni i Hercegovini koji propisuje da je „diskriminacija po osnovi pola i polne orijentacije zabranjena“, koristeći se svojim ovlaštenjem rukovodioca i činjenicom da je F.T. bila angažovana u Ministarstvu na osnovu Ugovora o djelu na poslovima pomoćnika projekt menadžera i faktički obavljala poslove njegove „lične sekretarice“, te da joj je lična egzistencija zavisila od angažmana po ugovoru o djelu koji je zaključila sa Ministarstvom, F. T. 31.05.2016. godine prilikom službenog putovanja u Crnu Goru u vezi realizacije Projekta, u Hotelu u Nikšiću gdje su odsjeli, seksualno uznemiravao, tako što je od F.T. zahtijevao seksualni odnos, svjestan da je na taj način seksualno uznemirava, na način da ju je pozvao putem Viber aplikacije u svoju hotelsku sobu pod izgovorom „jer je nešto treba“, da bi je u sobi dočekao u bijelom bade mantilu koji je potom raskopčao, dok je u tom trenutku ispod bade mantila bio nag, obraćajući joj se riječima „da on želi da ona spava s njim, i da će on gledati

svim silama da ona ostane u Ministarstvu da radi za stalno“, što je F.T. odbila, te je napustila njegovu hotelsku sobu, nakon čega je sledeći dan dok su se vozili njegovim privatnim vozilom za Podgoricu F.T. rekao da ne govori nikom o tome šta se desilo prethodnu noć, kao i da razmisli o svemu “jer svaka žena to želi i pristala bi na to“, na koji način je povrijedio njeno dostojanstvo, degradirao je, ponizio i uvrijedio, što je sve zaposljedicu imalo težu povredu prava F.T.

5. **Mektić Dragan i Golijanin Igor** u svojstvu službenih i odgovornih lica, u namjeri sticanja protivpravne imovinske koristi za račun Ivanović Zorane i teže povrede prava drugog, iskoristili svoj službeni položaj i ovlaštenja, tako što su postupili protivno Zakonu o sukobu interesa u institucijama vlasti Bosne i Hercegovine i to odredbi člana 2. stav 6. koja propisuje da nosioci izvršnih funkcija i savjetnici ne smiju koristiti javnu funkciju za ličnu dobit osobe koja je sa njima povezana, odredbi člana 2. stav 8. koja propisuje da su u obavljanju funkcija nosioci izvršnih funkcija i savjetnici obavezni da imovinu, sredstva za rad i finansijska sredstva koja su im povjerena, koristiti isključivo u svrhu za koju su namijenjena, odredbi člana 9. tačka e) koja propisuje da je nosiocu izvršene funkcije i savjetniku zabranjeno privilegovati lica radi stranačkog ili drugog opredeljenja ili radi porijekla, ličnih ili porodičnih veza i odredbi člana 9. tačka g) koja propisuje da je nosiocu izvršne funkcije i savjetniku zabranjeno uticati na dobijanje poslova i narudžbi države u cilju sticanja materijalne ili nematerijalne koristi za sebe ili drugog, na način da su kroz planirane aktivnosti angažovanja spoljnih saradnika na Projektu, omogućili radni angažman na poslovima projekt menadžera po osnovu ugovora o djelu Ivanović Zorani članici Srpske demokratske stranke i koja je u prijateljskoj vezi sa Golijanin Igorom i za koju je Golijani Igor znao da ne posjeduje radno iskustvo na sličnim projektima ili vođenju projekata, na način da je Golijanin Igor od Agić Samira kao člana Projektnog tima/odbora na Projektu, Brkovića Idriza, kao vođe Internog projektnog tima/odbora na Projektu i Garaplija Edina kao člana Projektnog tima/odbora, zahtjevao da se za poslove projekt menadžera umjesto dotadašnjeg projekt menadžera Topalovića Elvira, zaposlenika INZA-e, angažuje Ivanović Zorana, sa čim su se isti saglasili, nakon čega je **Mektić Dragan** sa Ivanović Zoranom zaključio Ugovor o djelu za poslove projekt menadžera i to: Ugovor, broj: 04-34-2-7431/16 od 25.10.2016. godine kojim je ugovorena mjesečna naknada u bruto iznosu od 1023,39 KM, a dana 05.12.2016. godine zaključio Aneks ugovora o djelu, broj:04-34-2-7431/16 i dana 15.12.2016. godine Aneks ugovora o djelu, broj: 04-34-2-7431/16 od 15.12.2016. godine, a kojim Aneksima je izmijenjen osnovni ugovor o djelu od 25.10.2016. godine, na način da je Ivanović Zorani povećana mjesečna naknada sa 1023,39 KM na 1222,39 KM kao i da će Ivanović Zorani biti isplaćena razlika naknade za protekla dva mjeseca retroaktivno u iznosu od 400,00 KM, a zatim i Ugovor o djelu, broj: 04-34-2-7431-6/16 od 15.12.2016. godine, Ugovor o djelu, broj: 04-34-2-7431-8/16 od 22.12.2016. godine i Ugovor o djelu, broj: 04-34-2-7431-10/16 od 22.03.2017. godine, a koje ugovore o djelu je u ime Ministarstva sa Ivanović Zoranom zaključio **Mektić Dragan**, dok je po istim ugovorima Ivanović Zorani isplaćeno iz sredstava Projekta, odnosno Ministarstva ukupno 5.354,19 Eura, da bi nakon isteka Ugovor o djelu koji je zaključen 22.03.2017. godine (ugovor važio do 17.06.2017. godine), Ivanović Zorana nastavila obavljati poslove u

Ministarstvu, i to na način da je na pismeni Zahtjev Sektora za međunarodnu saradnju i Evropske integracije, Ministarstva broj: 05-34-2-4848/17 od 23.06.2017. godine kojim se traži od Ministarstva zaključivanje ugovora o djelu sa jednim licem, na pismeni prijedlog **Mektić Dragana** (na istom zahtjevu od 23.06.2017. godine naznačeno u rukopisu „Zorana Ivanović- saglasan“ i potpis), nakon čega je Ministarstvo sa Ivanović Zoranom zaključilo ukupno sedam Ugovora o djelu i to: broj: 04-34-2-4848-2/17 od 28.06.2017. godine, broj: 04-34-2-4848-4/17 od 12.09.2017. godine, broj: 04-34-2-4848-9/17 od 19.12.2017. godine, br.04-34-2-4848-13/17 od 15.03.2018. godine, broj: 04-34-2-4848-18/17 od 13.06.2018. godine, broj: 04-34-2-4848-20/17 od 10.09.2018. godine, broj: 04-34-2-4848-25/17 od 20.12.2018. godine, a zatim je Ivanović Zorana radni odnos zasnovala na neodređeno vrijeme u Ministarstvu, nakon provedenog javnog konkursa i to Rješenjem Agencije za državnu službu BiH, broj: 03-34-2-722-20/18 od 27.12.2018. godine, kojim se imenovana postavlja na radno mjesto stručni saradnik za evropske integracije u Odsjeku za evropske integracije Sektora za međunarodnu saradnju i Evropske integracije, Ministarstva bezbjednosti BiH, na koji način je favorizovanjem Ivanović Zorane teže povrijeđeno pravo drugih na jednak i slobodan pristup slobodnim radnim mjestima sa istim kvalifikacijama, sposobnostima i radnom iskustvu u Ministarstvu po osnovu ugovora o djelu i ugovora o radu,

6. **Mektić Dragan i Golijanin Igor** u svojstvu službenih i odgovornih lica, u namjeri sticanja protivpravne imovinske koristi i teže povrede prava drugih, iskoristili svoj službeni položaj i ovlaštenja, tako što su postupili protivno Zakonu o sukobu interesa u institucijama vlasti Bosne i Hercegovine i to odredbi člana 2. stav 6. koja propisuje da nosioci izvršnih funkcija i savjetnici ne smiju koristiti javnu funkciju za ličnu dobit osobe koja je sa njima povezana, odredbi člana 2. stav 8. koja propisuje da su u obavljanju funkcija nosioci izvršnih funkcija i savjetnici obavezni da imovinu, sredstva za rad i finansijska sredstva koja su im povjerena, koristiti uisključivo u svrhu za koju su namijenjena, odredbi člana 9. tačka e) koja propisuje da je nosiocu izvršene funkcije i savjetniku zabranjeno privilegovati lica radi stranačkog ili drugog opredeljenja ili radi porijekla, ličnih ili porodičnih veza i odredbi člana 9. tačka g) koja propisuje da je nosiocu izvršne funkcije i savjetniku zabranjeno uticati na dobijanje poslova i narudžbi države u cilju sticanja materijalne ili nematerijalne koristi za sebe ili drugog, po prethodnom dogovoru, kroz planirane aktivnosti više pojedinačnih nabavki roba i usluga, štampanja materijala u vidu letaka, brošura i slično, a koje su bile planirane Projektom, omogućili pravnim licima Optigraf d.o.o. Sarajevo, vlasništvo Petrović Nenada, Visia d.o.o. Istočno Sarajevo u suvlasništvu Jeftović Vladana i Golijanin Jelene i Agenciji Visia Istočno Sarajevo, vlasništvo Jeftović Vladana (oba pravna lica imaju sjedište u istom objektu na adresi ul. Spasovdanska 17C, Istočno Sarajevo, korisnici su istog inventara, fiksnog telefonskog broja, e-mail adrese i web stranice) , sa kojim su **Mektić Dragan i Golijanin Igor**, povezani po osnovu „bliskog srodstva“ i „interesno povezanog lica“, i kojim pravnim licima su omogućili poslovnu saradnju sa Ministarstvom, vodeći se interesom političke partije čiji su članovi Mektić Dragan i Golijanin Igor, kao i ličnim interesom Golijanin Igora, znajući da je pravno lice Optigraf d.o.o. Sarajevo, pravno lice koje

je u 2014. godini vršilo usluge štampanja promotivnog materijala za Opšte izbore u BiH održane 2014. godine u vrijednosti od 10.000 do 15.000 KM za političku organizaciju Savez za promjene čiji je član i politička partija Srpska demokratska stranka, a čiji su članovi Mektić Dragan i Golijanin Igor i istovremeno znajući da navedeno pravno lice Optigraf d.o.o Sarajevo u isto vrijeme ima poslovnu saradnju i sa pravnim licem Visia d.o.o. Istočno Sarajevo i Agencijom Visia Istočno Sarajevo, za koje su znali da se nalazi u suvlasništvu Jelene Golijanin, supruge Golijanin Igora i Vladana Jeftovića, krštenog kuma bračnog para Golijanin, kao i da je pravno lice Visia d.o.o. Istočno Sarajevo u 2014. godini i 2015. godini doniralo Srpskoj demokratskoj stranci ukupno 56.000,00 KM u vidu nenovčane donacije, a Golijanin Igor 2014. godine istoj političkoj organizaciji donirao 9.749,80 KM, tako što je:

6.1. **Golijanin Igor** tražio od stručnog savjetnika za nabavke u Ministarstvu, Mališ Bojana da pošalje zahtjev pravnom licu Optigraf d.o.o. Sarajevo, da dostave ponudu Ministarstvu za usluge štampanja, što je Mališ Bojan i učinio šaljući zahtjeve za dostavljanje ponude pravnom licu Optigraf d.o.o. Sarajevo, ali i drugim potencijalnim dobavljačima, da bi potom obzirom da se radilo o nabavkama manje vrijednosti do 6.000,00 KM bez PDV-a (direktni sporazum sa dobavljačem) bio vršen odabir od strane Mališ Bojana "najpovoljnije ponude", nakon čega je **Mektić Dragan** donio više Odluka kojim se odobrava sklapanje direktnog sporazuma sa pravnim licem Optigraf d.o.o. Sarajevo i to: Odluku, broj: 04-16-4-6484/15 od 09.10.2015. godine za pružanje usluge pripreme za štampu, preloma i štampanja brošura, letaka, promotivnih sveski i olovaka, kao i rol up-a, za potrebe Ministarstva i Projekta u vrijednosti od 3.113,00 KM bez PDV-a, Odluku, broj: 04-16-4-8117-3/15 od 21.12.2015. godine za uslugu nabavke i isporuke novogodišnje galanterije-kalendara, olovki, rokovnika i planera za potrebe Ministarstva u vrijednosti od 3.240,90 KM sa PDV-om, Odluku, broj: 04-16-4-1774/16 od 27.01.2016. godine za uslugu izrada poslovnih mapa sa zlatotiskom u vrijednosti od 365,04 KM sa PDV-om, Odluku, broj: 04-16-4-7549/16 od 26.09.2016. godine za uslugu pripreme za štampu, preloma i štampanja brošura za potrebe Ministarstva i Odluku, broj: 04-16-4-8670/16 od 08.12.2016. godine za uslugu nabavke i isporuke novogodišnje galanterije-kalendara, olovki, rokovnika i planera, za potrebe Ministarstva, nakon čega je sa navedenim pravnim licem zaključio Ugovor broj: 04-16-4-6484-1/15 od 12.10.2015. godine u vrijednosti od 3.113,00 KM bez PDV-a, Ugovor broj: 04-16-4-817-5/15 od 30.12.2015. godine u vrijednosti od 3.240,90 KM bez PDV-a, Ugovor broj: 04-16-4-7549-1/16 od 28.10.2016. godine u vrijednosti od 2.100,00 KM i Ugovor broj: 04-16-4-8670-1/16 od 14.12.2016. godine u vrijednosti od 2.251,08 KM bez PDV-a, dok je od navedenog pravnog lica u 2015. i 2016. godini, na opisan način, ali i neposrednim-direktnim naručivanjem roba i usluga, bilo nabavljeno roba i usluga u ukupnoj vrijednosti od 12.389,89 KM po računima broj: VP-543/15 na iznos od 2.100,00 KM, broj: VP-431/15 na iznos od 3.153,00 KM (isti se vezuju za usluge nabavljene u okviru Projekta), broj: VP-498/15 na iznos od 3.240,90 KM, broj: VP-023/16 na iznos od 444,60 KM, broj: VP-049/16 na iznos od 365,04 KM, broj: VP-111/16 na iznos od 23,40 KM, broj: VP-168/16

na iznos od 35,10 KM, broj: VP-231/16 na iznos od 35,10 KM, broj: VP-596/16 na iznos od 30,89 KM, broj: VP-664/16 na iznos od 2.251,08 KM i broj: VP-038/17 na iznos od 710,78 KM, na koji način su favorizovanjem „interesno povezanog lica, istom pribavili protivpravnu imovinsku korist u ukupnom iznosu od 12.389,89 KM i kroz favorizovanje Optigraf d.o.o. Sarajevo teže povrijedili prava drugih istovrsnih davalaca usluga kojim su tako onemogućili jednak pristup tražiocu usluga, Ministarstvu,

6.2. **Golijanin Igor** sačinio i potpisao Zahtjev za nabavku, broj: 01-16-4-8117-2/15 od 15.12.2015. godine sa oznakom „hitno“ naslovljen na Sektor za opšte i materijalno finansijske poslove Ministarstva, na kom zahtjevu je Mektić Dragan u rukopisu napisao „saglasan“, a zatim **Golijan Igor** tražio od stručnog savjetnika za nabavke u Ministarstvu, Mališ Bojana da pravnom licu Visia d.o.o. Istočno Sarajevo, odnosno Agenciji Visia Istočno Sarajevo dostavi zahtjev za dostavljanje ponude za uslugu „Grafičko uređenje knjige/monografije za potrebe Ministarstva bezbjednosti BiH“, nakon čega je Agencija Visia dostavila Ministarstvu Ponudu, broj: 10A-12/15 od 23.12.2015. godine u vrijednosti od 5.000,00 KM sa PDV-om, dok su posredstvom Jeftović Vladana dana 23.12.2015. godine pribavljene i fiktivne ponude pravnih lica Health Computers d.o.o. Sarajevo i M Design d.o.o. Istočno Sarajevo, nakon čega je istog dana Mektić Dragan u ime Ministarstva donio Odluku, broj: 04-16-4-8117/15-4 od 23.12.2015. godine kojom se odobrava sklapanje direktnog sporazuma sa dobavljačem Agencija Visia Istočno Sarajevo za uslugu „Grafičko uređenje knjige/monografije za potrebe Ministarstva bezbjednosti BiH“, nakon čega je istog dana Mektić Dragan u ime ugovornog organa zaključio Ugovor o pružanju usluge, broj: 04-16-4-8117-9/17 od 23.12.2015. godine sa pravnim licem Agencija Visia Istočno Sarajevo za grafičko uređenje knjige/monografije za potrebe Ministarstva u vrijednosti od 5000,00 KM, a koja monografija nije odštampana, dok je plaćanje Agenciji Visia Istočno Sarajevo izvršeno po ispostavljenom Računu, broj: 04A12/15 od 28.12.2015. godine i Otpremnici, br.01A12/15 od 28.12.2015. godine sa nalogom za plaćanje, a na kojem računu je prethodno Golijanin Igor u rukopisu naznačio „usluga izvršena“ i potpisao se, nakon čega je od strane Ministarstva izvršena isplata navednom pravnom licu, na koji način su Mektić Dragan i Golijanin Igor pribavili bliskom srodniku i interesno povezanom licu, odnosno Agenciji Visia Istočno Sarajevo imovinsku korist u iznosu od 5.000,00 KM, a u narednom periodu je nastavljena poslovna saradnja sa navedenim licima, na način da je Ministarstvo izvršilo isplatu po ispostavljenim Računima Visia d.o.o. Istočno Sarajevo i to po računima broj: 02-01-19 od 08.01.2019. godine na novčani iznos 201,94 KM sa PDV-om na ime isporuke rokovnika sa logom Ministarstva 20 komada, broj: 109-12-18 od 28.12.2018. godine na novčani iznos od 1.009,71 KM sa PDV-om na ime isporuke rokovnika sa logom Ministarstva, 100 komada, broj: 110-12-18 od 28.12.2018. godine na novčani iznos od 2.627,82 KM sa PDV-om na ime isporuke rokovnika, kalendara, notesa, mini notesa, stolnih kalendara, planera, ukrasnih kesa, plastičnih olovki, blokova za bilješke, dok je kao usluga navedena i grafička priprema svih materijala, na koji način su „interesno povezanom licu“ i „bliskom srodniku“ pribavili

imovinsku korist u iznosu od 5.000,00 KM i iznos od 3.839,47 KM, što ukupno iznosi 8.839,94 KM i kroz favorizovanje Agencije Visia Istočno Sarajevo i Visia d.o.o. Istočno Sarajevo teže povrijedili prava drugih istovrsnih davalaca usluga kojim su tako onemogućili jednak pristup tražiocu usluga, Ministarstvu,

7. **Agić Samir** u svojstvu službenog lica, Pomoćnika ministra u Sektoru za zaštitu i spašavanje, Ministarstva i člana Projektnog tima/odbora na Projektu, po prethodnom dogovoru sa Garaplija Edinom, članom Projektnog tima/odbora, u namjeri favorizovanja pravnog lica BP Revizor d.o.o. Sarajevo na štetu drugih istovrsnih davalaca usluga, na način da je tokom 2014. godine **Garaplija Edin** predložio da se za usluge finansijske revizije Projekta angažuje pravno lice BP Revizor d.o.o. Sarajevo, (koje pravno lice je u periodu 2008.godine do 2011. godine vršilo usluge revizije privatizacije Instituta za zaštitu od požara i eksplozija-INZA za koju uslugu je tada naplatilo 3.000,00 KM), s čim se saglasio Agić Samir, nakon čega je pravno lice BP Revizor d.o.o., Sarajevo bilo navedeno i u Ugovoru (Grant Contract. No 2014/355-052 od 16/17.12.2014. godine u tački 5.2 ugovora) kao pravno lice koje će vršiti uslugu finansijske revizije Projekta, nakon čega je u 2017. godini samo formalno, dakle bez provođenja postupka javne nabavke, isto pravno lice dostavilo svoju ponudu Ministarstvu i to dana 16.06.2017. godine (ista ne sadrži djelovodni broj) za uslugu finansijske revizije Projekta i to u vrijednosti od 5.867,49 KM bez PDV-a (3.000,00 Eura), dok je **Mektić Dragan**, znajući za navedeno kao odgovorno lice u Ministarstvu, u namjeri sticanja protivpravne koristi, iskoristio svoj službeni položaj i ovlaštenja, tako što je protivno Zakonu o javnim nabavkama BiH i to članu 87. koji propisuje ugovorni organ provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000,00 KM i članu 90. koji propisuje direktni sporazum je postupak u kojem ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačni sporazum, ugovorni organ dužan je donijeti interni pravilnik o postupku direktnog sporazuma, koji treba biti usaglašen s modelom pravilnika o postupku direktnog sporazuma koji propisuje Agencija, istog dana kada je Ministarstvu dostavljena Ponuda od strane pravnog lica BP Revizor d.o.o. Sarajevo, sa navedenim pravnim licem zaključio Ugovor, broj: 04-04-1-7838-157/14 od 16.06.2017. godine o pružanju usluge revizije Projekta, po osnovu kog ugovora je pravno lice BP Revizor d.o.o. Sarajevo, ispostavilo Ministarstvu Račun/fakturu, broj:17-3600-000234 od 21.09.2017. godine, koja je isplaćena, na koji način su Mektić Dragan, Agić Samir i Garaplija Edin favorizovanjem pravnog lica BP Revizor d.o.o. Sarajevo teže povrijedili prava drugih istovrsnih davalaca usluga kojim su na ovaj način onemogućili jednak pristup tražiocu usluga, Ministarstvu,
8. **Agić Samir** u svojstvu službene osobe, Pomoćnika ministra u Sektoru za zaštitu i spašavanje, Ministarstva bezbjednosti BiH i člana Projektnog tima/odbora na Projektu, u dogovoru sa Garaplija Edinom u svojstvu člana Projektnog tima/odbora, u namjeri sticanja protivpravne imovinske koristi iz novčanih sredstava Projekta i teže povrede prava drugih, **Agić Samir i Garaplija Edin** su kroz planirane aktivnosti na istom Projektu angažovanja spoljnih saradnika na

pozicijama trenera/ predavača/ edukatora, omogućili kroz stvaranje bitnih pretpostavki za isto, da se angažuju Šećerov Proda koji je u to vrijeme bio angažovan u povezanom pravnom licu INZA-e u Republici Srbiji, uz to i lični poznanik Garaplija Edina i Agić Samira, Radović Vesela s kojom su u prijateljskim odnosima i sa kojom su već privatno saradivali Agić Samir i Garaplija Edin, kao i Trut Damira kog od ranije poznaju i sa kojim su već saradivali, tako što su:

8.1. Po prethodnom dogovoru **Agić Samira i Garaplija Edina** utvrdili i sačinili tehničke specifikacije, odnosno uslovi za odabir kandidata i to: da je potrebno da kandidat za trenera/ edukatora ima zvanje doktor nauka ili magistar nauka iz oblasti bezbjednosnih studija, zaštite od požara, zaštite na radu ili srodnih oblasti, da posjeduje radno iskustvo u sistemu bezbjednosti, zaštite i spašavanja minimalno 10 godina, da je prošao obuke EU mehanizma civilne zaštite ili DDR-a ili Emergency Management ili vatrogastva i civilne zaštite, da ima objavljena minimalno 3 stručna rada iz oblasti predmetnog treninga i vježbe, favorizujući na taj način unaprijed lično njima poznata lica, nakon čega je **Agić Samir** uputio Kabinetu ministra zahtjev, broj:09-2-04-1-7838-74/14 od 28.09.2015. godine za pokretanje postupka javne nabavke odabir trenera/predavača instruktora na prekograničnom treningu i vježbi za vatrogasne jedinice uz koji zahtjev je dostavio i tehničku specifikaciju, odnosno uslove za odabir kandidata, na koji zahtjev je Mektić Dragan u rukopisu napisao „saglasan“ i potpisao se, nakon čega je dana 05.10.2015. godine donio Odluku o pokretanju procedure javne nabavke, broj: 04-16-4-6490/15 u kojoj odluci je naznačena vrijednost nabavke u iznosu od 11.700,00 KM bez PDV-a, pa je slijedom iste odluke na web stranici Ministarstva objavljen javni poziv za dostavljanje ponuda za odabir dva trenera/ predavača instruktora na prekograničnom treningu i vježbi za vatrogasne jedinice čije je održavanje bilo planirano u Trebinju u 2015. godini u trajanju od 4 do 5 dana, a na koji javni poziv su se javili i dostavili svoje ponude samo Trut Damir iz Zagreba, Republika Hrvatska sa ponuđenom cijenom od 5.800,00 KM bez PDV-a (1.160,00 KM po danu) kog je o javnom pozivu lično obavijestio Agić Samir i Šećerov Proda iz Novog Sada, Republika Srbija sa ponuđenom cijenom od 5.850,00 KM bez PDV-a (1.170,00 KM po danu) kog je o javnom pozivu lično obavijestio Garaplija Edin, nakon čega je **Mektić Dragan** dana 10.11.2015. godine u ime Ministarstva donio Odluku, broj: 04-16-4-6490-10/15 o izboru najpovoljnijeg ponuđača za odabir dva trenera/ edukatora, a zatim dana 13.11.2015. godine zaključio Ugovor o djelu, broj: 04-34-2-6490-12/15 od 13.11.2015. godine sa Trut Damir i Ugovor o djelu, broj: 04-34-2-6490-13/15 od 13.11.2015. godine sa Šećerov Prodom, na koji način su Agić Samir, Garaplija Edin i Mektić Dragan omogućili Trut Damiru i Šećerov Prodi pribavljanje protivpravne imovinske koristi u ukupnom iznosu od 11.650,00 KM i na koji način su teže povrijedili prava drugih istovrsnih davalaca usluga kojim su na ovaj način onemogućili jednak pristup tražiocu usluga, Ministarstvu,

8.2. Po prethodnom dogovoru **Agić Samir i Garaplija Edin** utvrdili i sačinili tehničke specifikacije- uslove za odabir kandidata, i to: da je potrebno da kandidat za predavača/edukatora ima VSS stručnu spremu iz oblasti

bezbjednosnih studija, zaštite od požara, zaštite na radu ili srodnih oblasti, navodeći da prednost imaju kandidati sa naučnim stepenom magistar ili doktor nauka, da posjeduje predavačko iskustvo i iskustvo u vođenju treninga, seminara, radionica minimalno 3 godine, da je prošao obuke EU mehanizma civilne zaštite ili Smanjenja rizika od katastrofa, DDR-a ili Emergency Management ili vatrogastva i civilne zaštite, da ima objavljena minimalno 3 stručna rada iz oblasti tematike seminara, favorizujući na taj način unaprijed lično njima poznata lica, da bi potom Agić Samir uputio Kabinetu Ministra Zahtjev, broj: 09-16-4-721/15 od 22.01.2016. godine za pokretanje postupka javne nabavke odabira dva predavača/ instruktora na Obuci u Mostaru čije je održavanje bilo planirano u 2016. godini u trajanju od 3 do 4 dana uz koji zahtjev je dostavio i tehničku specifikaciju, odnosno uslove za odabir kandidata, na koji zahtjev je **Mektić Dragan** u rukopisu napisao „saglasan“ i potpisao se, nakon čega je dana 29.01.2016. godine donio Odlukom pokretanju postupka javne nabavke, broj:04-16-4-721/16-1, koja je potom poništena Odlukom broj: 04-16-4-721-4/16 od 09.02.2016. godine, a zatim je **Mektić Dragan** dana 18.02.2016. godine donio novu Odluku o pokretanju postupka javne nabavke, broj: 04-16-4-1619/16, pa je slijedom iste odluke na web stranici Ministarstva objavljen javni poziv za dostavljanje ponuda, koju odluku je potom poništio Odlukom, broj: 04-16-4-1619-4/16 od 03.03.2016. godine, a zatim bez prethodno donijete nove odluke kojom se ponovo pokreće postupak javne nabavke (treći put), obzirom da je ranija bila poništena, dana 17.03.2016. godine donio Odluku o izboru najpovoljnijeg ponuđača, broj:04-16-4-1619-7/16 kojom se jedina pristigla ponuda Šećerov Prode iz Novog Sada kojeg je o javnom pozivu lično obavijestio Agić Samir, sa ponuđenom cijenom od 5.867,00 KM bez PDV-a, bira kao najpovoljnija, da bi nakon toga **Mektić Dragan** dana 21.03.2016. godine, dakle nakon izbora Šećerov Prode za najpovoljnijeg ponuđača, donio Odluku o pokretanju postupka javne nabavke odabir predavača/ instruktora na Obuci u Mostaru, broj: 04-16-4-2396/16, a zatim objavljen i novi javni poziv na web stranici Ministarstva, na koji javni poziv je pristigla ponovo samo jedna ponuda Radović Vesele iz Novog Sada koju su prethodno o javnom pozivu obavijestili **Agić Samir i Garaplija Edin**, sa ponuđenom cijenom od 5.760,00 KM bez PDV-a, nakon čega je Mektić Dragan dana 23.03.2016. godine donio Odluku o izboru najpovoljnijeg ponuđača Radović Vesele, broj: 04-16-4-1619-7/16, a zatim u ime Ministarstva sa Šećerov Prodom dana 23.03.2016. godine zaključio Ugovor o djelu, broj: 04-34-2-2595/16 i sa Radović Veselom Ugovor o djelu, broj: 04-34-2-2594/16 od 25.03.2016. godine, po osnovu koji ugovora je iz sredstava Projekta, odnosno budžeta isplaćeno ukupno 11.610,00 KM, na koji način su **Agić Samir, Garaplija Edin i Mektić Dragan** omogućili Šećerov Prodi i Radović Veselom pribavljanje imovinske koristi u ukupnom iznosu od 11.610,00 KM i na koji način su teže povrijedili prava drugih istovrsnih davalaca usluga kojim su na ovaj način onemogućili jednak pristup tražiocu usluga, Ministarstvu,

- 9 **Mektić Dragan** u svojstvu službenog i odgovornog lica, iskoristio svoj službeni položaj i ovlaštenja, tako što je protivno Zakonu o javnim nabavkama BiH i to

članu 87. kojim su propisani postupci javne nabavke koje provodi ugovorni organ prilikom dodjele ugovora manje vrijednosti konkurentski postupak i direktni sporazum) i protivno članu 90. koji propisuje da je direktni sporazum "postupak u kom ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačni sporazum", omogućio da se bez provođenja postupka javne nabavke angažuju i plate kao fizička lica iz sredstava Projekta prekogranične saradnje u oblasti vatrogastva između BiH i Crne Gore, lica: Majda Kovač i Muzafera Rastoder, zaposlenici Federalne uprave civilne zaštite, te Biljana Tomić i Dragiša Tešanović, zaposlenici Republičke uprave civilne zaštite, i to na način da je **Mektić Dragan** dao pismenu saglasnost u rukopisu na aktu/zahtjevu Sektora za zaštitu i spašavanje Ministarstva broj: 09-04-1-7838-122/14 od 18.04.2016. godine kojim se traži zaključivanje ugovora o djelu za poslove predavača sa naprijed navedenim licima, a koji akt/zahtjev mu je dostavio **Agić Samir**, da bi potom **Mektić Dragan**, u namjeri sticanja protivpravne imovinske koristi imenovanih, vodeći se pri tom ličnim interesom istih, a ne interesom Ministarstva, bez postojanja jasnih kriterijumama, i bez postojanja prethodne Odluke Ministarstva bezbjednosti BiH o navedenom, kao i bez raspisivanja prethodnog javnog poziva kojim bi se izbor predavača/edukatora učinio transparentnim za poslove predavača/edukatora na Obuci u Mostaru čije je održavanje bilo planirano u 2016. godini u trajanju od 2 dana, zaključio Ugovore o djelu i to: broj: 04-04-1-7838-127/14 od 26.04.2016. godine sa licem Majda Kovač u kom ugovoru je utvrdio jednokratnu naknadu za poslove predavača imenovane u iznosu od 1.955,83 KM, broj: 04-04-1-7838-128/14 od 26.04.2016. godine sa licem Muzafera Rastoder u kom ugovoru je utvrdio jednokratnu naknadu za poslove predavača imenovane u iznosu od 1.955,83 KM, broj: 04-04-1-7838-130/14 od 26.04.2016. godine sa licem Dragiša Tešanović u kom ugovoru je utvrdio jednokratnu naknadu za poslove predavača imenovanog u iznosu od 1.955,83 KM i broj: 04-04-1-7838-129/14 od 26.04.2016. godine sa licem Biljana Tomić u kom ugovoru je utvrdio jednokratnu naknada za poslove predavača imenovane u iznosu od 1.955,83 KM, čime je omogućio da se iz sredstava Projekta, odnosno budžeta, bez provedenog postupka javne nabavke isplati imenovanim ukupno 7.823,32 KM i na koji način su teže povrijedili prava drugih istovrsnih davalaca usluga kojim su na ovaj način onemogućili jednak pristup tražiocu usluga, Ministarstvu,

Čime su:

Mektić Dragan pod tačkama 1, 2, 3, 5, 6.(6.1, 6.2), 7, 8.(8.1, 8.2.) i 9. krivično djelo u produženom trajanju Zloupotreba položaja ili ovlaštenja iz člana 220. stav 3. u vezi sa stavom 1. Krivičnog zakona Bosne i Hercegovine, a sve u vezi sa članom 54. istog zakona, a za tačke 2, 3, 5, 6. (6.1 i 6.2.) i u vezi sa članom 29. istog zakona,

Golijanin Igor pod tačkama 5. i 6. (6.1 i 6.2) krivično djelo u produženom trajanju Zloupotreba položaja ili ovlaštenja iz člana 220. stav 2. u vezi sa stavom 1. Krivičnog zakona Bosne i Hercegovine, a sve u vezi sa članom 54. istog zakona, u vezi sa članom 29. istog zakona,

Agić Samir pod tačkama 2, 3, 4, 7, 8.(8.1. i 8.2.) i 9, krivično djelo u produženom trajanju Zloupotreba položaja ili ovlaštenja iz člana 220. stav 3. u vezi stava 1. Krivičnog zakona Bosne i Hercegovine, a sve u vezi sa članom 54. istog zakona, a za tačke 2, 3, 7 i 8 (8.1. i 8.2) i u vezi sa članom 29. istog zakona,

Garaplija Edin pod tačkama 2, 3, 7, 8. (8.1, 8.2.) i 9. krivično djelo u produženom trajanju Zloupotreba položaja ili ovlaštenja iz člana 220. stav 3. u vezi sa stavom 1. Krivičnog zakona Bosne i Hercegovine, u vezi sa članom 31. istog zakona.